

ISSN 2831-1604



# BILTEN

ZAVODA ZA JAVNO ZDRAVSTVO  
FEDERACIJE BOSNE I HERCEGOVINE

Broj 12

Sarajevo/Mostar, 2025.



## Završni sastanak WASP projekta

Podgorica, 29.9.-1.10.2025. godine

Završni sastanak projekta Western Balkan Strategic Partnership for Health Protection (WASP) na kojem su učestvovali i predstavnice Zavoda za javno zdravstvo FBiH doc. dr. Šeila Cilović-Lagarija dr. stom. – voditeljica Službe za biostatistiku i informatiku i Neira Čengić, dms - imao je za cilj prezentaciju dosadašnjih rezultata projekta, uključujući izračune pokazatelja YLL (godine života izgubljene zbog smrti) i YLD (godine života izgubljene zbog invaliditeta) za hronične nezarazne bo-

lesti, s krajnjim ciljem procjene i smanjenja ukupnog tereta bolesti u zemljama Zapadnog Balkana.

Tokom sastanka razmatrani su rezultati istraživanja provedenih u Federaciji Bosne i Hercegovine, koji pokazuju značajne promjene u opterećenju bolestima prije, tokom i nakon pandemije COVID-19. Poseban naglasak stavljen je na promjene u pokazateljima smrtnosti i izgubljenih godina života zbog malignih bolesti i drugih hroničnih stanja.



## Učešće Zavoda za javno zdravstvo Federacije BiH na konferenciji “Slavimo život”

Sarajevo, 1.10.2025. godine

Povodom obilježavanja Međunarodnog dana starijih orijentisanog na njegu za budućnost kao izgradnju znanja u susret potrebama, u organizaciji Hilswerk kuće podrške i Udruženja za pomoć i razvoj HAJDE u Sarajevu održana je konferencija “Slavimo život ” sa učešćem relevantnih ustanova iz zdravstvenog sektora,

sektora socijalne zaštite i civilnog društva.

U svojstvu paneliste na konferenciji je u ime Zavoda za javno zdravstvo Federacije BiH učestvovala prof. dr. sc. prim. Aida Ramić-Čatak, dr. med.- pomoćnica direktora za medicinske poslove i voditeljica Sektora javnog zdravstva.





## ■ Obilježavanje Međunarodnog dana starijih osoba 2025.

Sarajevo, 1.10.2025. godine

Zavod za javno zdravstvo Federacije BiH nizom aktivnosti obilježava Međunarodni dan starijih osoba. Ove godine, učešćem u Centralnoj manifestaciji u organizaciji Federalnog ministarstva rada i socijalne politike i Općine Ilidža, u saradnji s Udruženjem „Javno partnerstvo za zdravlje“, pridružile su se i predstavnice Zavoda. Događaj je održan u Kulturno-sportskoj dvorani „Sabit Hadžić“ na Ilidži, a okupio je mnogobrojne učesnike i osobe treće životne

dobi- korisnike centara za zdravo starenje s područja Kantona Sarajevo, koji su na promotivnim štandovima izlagali svoje radove sa kreativnih sekcija, učestvovali u društvenim igrama i rekreativnim aktivnostima.

Predstavnice Zavoda za javno zdravstvo Federacije BiH aktivno su učestvovali u druženju sa starijom generacijom, promovisanju zdravih životnih navika i pružanju korisnih savjeta o očuvanju zdravlja.





## Predstavnica Zavoda za javno zdravstvo Federacije BiH na Forumu za socijalni dijalog

Sarajevo, 1.-2.10.2025. godine

Kancelarija Svjetske banke u BiH, u saradnji sa Federalnim ministarstvom zdravstva, uz podršku Evropske komisije i Švicarske agencije za razvoj i saradnju, organizovala je u Sarajevu Forum za socijalni dijalog u BiH – Za bolje zdravlje. Forum je okupio predstavnike zdravstvenih ustanova, donosiocice odluka, socijalne partnere i organizacije civilnog društva, s ciljem otvaranja dijaloga o boljoj saradnji i većem učešću

civilnog društva u donošenju odluka vezanih za unaprjeđenje zdravlja i zdravstvene zaštite.

Na panelu “Zdravstveni sektor fokusiran na pacijente – uloge odgovornosti i mogućnosti”, u ime Zavoda za javno zdravstvo Federacije BiH, kao panelista je govorila prof. dr. sc. prim. Aida Ramić-Čatak, dr.med.- pomoćnica direktora za medicinske poslove i voditeljica Sektora javnog zdravstva.



## Direktor Zavoda za javno zdravstvo Federacije BiH na „Danima EU programa“

Sarajevo, 7.10. 2025. godine

U organizaciji Ministarstva civilnih poslova Bosne i Hercegovine, u Parlamentarnoj skupštini BiH održan je informativni i promotivni doga-

đaj „Dan EU programa“, posvećen mogućnostima koje Bosna i Hercegovina ima kroz učestvovanje u programima Evropske unije.



Događaj je okupio više od 600 predstavnika institucija BiH, akademske zajednice, kulturnih i zdravstvenih ustanova, organizacija civilnog društva, poslovnih zajednica i međunarodnih partnera, s ciljem povezivanja, razmjene iskustava, jačanja informisanosti i promocije uspješnih projekata koji se provode kroz EU programe.

Događaju je prisustvovao i doc. dr. sc. prim. Siniša Skočibušić, dr. med. – direktor Zavoda za javno zdravstvo Federacije BiH sa saradnicima.

“Zavod za javno zdravstvo Federacije BiH

snažno podržava evropske projekte jer predstavljaju ključan put razvoja javnog zdravstva, modernizacije sistema i jačanja stručnih kapaciteta. Učešće u ovim inicijativama povezuje nas s razvijenim zemljama Evrope i omogućava finansiranje aktivnosti koje često ne nalaze podršku u domaćem budžetu, ali su važne za zaštitu zdravlja stanovništva. Zavod već aktivno učestvuje u brojnim evropskim projektima i to će u narednom periodu još intenzivirati. Zahvaljujem Ministarstvu civilnih poslova BiH na podršci i koordinaciji ovih aktivnosti”, rekao je doc. dr. Skočibušić.



## Učešće Zavoda za javno zdravstvo Federacije BiH na Danima mentalnog zdravlja 2025.

Sarajevo, 9.-10.10.2025. godine

Udruženje Menssana, u saradnji s JU Psihijatrijska bolnica Kantona Sarajevo i Društvom psihologa Federacije BiH, organizovalo je Dane mentalnog zdravlja, koji su se ove godine održavali od 7. do 11. oktobra u Sarajevu.

Centralni događaj manifestacije – Sarajevo Mental Health Symposium okupio je

stručnjake iz psihijatrije, psihologije, socijalnog rada, obrazovanja i javnog zdravstva, s ciljem razmjene znanja, iskustava i inovativnih pristupa u zaštiti mentalnog zdravlja, s posebnim fokusom na prevenciju i međusektorsku saradnju u oblasti „Sagorijevanje i mentalno zdravlje, od uzroka do posljedice“.



Predavanje na temu „Prehrambene navike u kontekstu burnouta – pregled dosadašnjih saznanja i smjernice za oporavak“ na Sarajevo



Mental Health Symposium-u održala je predstavnica Zavoda za javno zdravstvo Federacije BiH dr. Elvedina Žiga.



## Predstavnicima Zavoda za javno zdravstvo FBiH na konferenciji o darivanju organa i značaju donorstva u BiH

Sarajevo, 14.10.2025. godine

Ministarstvo civilnih poslova Bosne i Hercegovine, u saradnji sa Donorskom mrežom BiH organizovalo je Drugu konferenciju povodom Evropskog dana doniranja organa, na kojoj su učestvovali i predstavnici Zavoda za javno zdravstvo Federacije Bosne i Hercegovine.

Konferencija je okupila transplantirane pacijente, porodice donora, zdravstvene radnike, predstavnike civilnog društva kao i mnoge zvaničnike, s ciljem promocije darivanja organa i podizanja svijesti o značaju donorstva u BiH.



## Završen ciklus interaktivnih radionica za kuharsko osoblje u odgojno-obrazovnim ustanovama u Federaciji BiH

Federacija BiH, septembar/oktobar 2025. godine

U okviru realizacije sedme faze intersektorskog Programa "Zdravo jedi, zdravo rasti", čiji je opšti cilj unaprjeđenje ishrane dojenčadi, predškolske i školske djece u Federaciji BiH te poboljšanje stanja njihove uhranjenosti, rasta i razvoja, Zavod za javno zdravstvo Federacije BiH, u saradnji s kantonalnim zavodima za javno zdravstvo, organizovao je i proveo ciklus in-

teraktivnih radionica za kuharsko osoblje iz 38 odgojno-obrazovnih ustanova u Federaciji BiH.

Cilj radionica je izgraditi kapacitet kuharskog osoblja u odgojno-obrazovnim ustanova dodatnom edukacijom o osiguranju zdravstvene ispravnosti hrane, principima zdrave ishrane i kvalitetu i nutritivnim sadržajima obroka.



## Sastanak timova za implementaciju programa za unaprjeđenje ishrane dojenčadi, predškolske i školske djece u BiH

Banja Luka, 16.10.2025. godine

JZU Institut za javno zdravstvo Republike Srpske organizovao je radni sastanak entitetskih timova koji implementiraju programe za unaprjeđenje ishrane dojenčadi, predškolske i školske djece u BiH te poboljšanje stanja njihove uhranjenosti, rasta i razvoja, čiji je cilj bila razmjena informacija i iskustava implementacije sedme faze ovih programa u Bosni i Hercegovini.

Sastanku su prisustvovala članice tima Programa „Zdravo jedi, zdravo rasti“ koji implementira Zavod za javno zdravstvo Federacije BiH, kao koordinirajuća stručno-tehnička

institucija na nivou Federacije BiH za pitanja ishrane dojenčadi i djece, u saradnji sa Federalnim ministarstvom zdravstva, Federalnim ministarstvom obrazovanja i nauke/znanosti, UNICEF-om Bosne i Hercegovine te nizom vladinih i nevladinih partnera sa lokalnog nivoa.

Više o programima na:

<https://www.zzjzfbih.ba/struktura/sektor-javnog-zdravstva/sluzba-za-promociju-zdravlja/odjel-za-higijenu-i-zdravstvenu-ekologiju/program-zdravo-jedi-zdravo-rasti/>

<https://javnozdravstvors.org/index.php?view=kategorija&id=54>





## Prvi sastanak Radne grupe za izradu procedura za unaprjeđenje upravljanja imunizacijom i medicinskim otpadom

Sarajevo, 20.10.2025. godine

Zavod za javno zdravstvo Federacije BiH organizovao je prvi sastanak Radne grupe za izradu procedura za unaprjeđenje upravljanja imunizacijom i medicinskim otpadom, na kojem se diskutovalo o smjernicama za ažuriranje standardnih operativnih procedura (SOP) koje će doprinijeti unapređenju procesa imunizacije, efikasnijem upravljanju vakcinama te sigurnom i održivom zbrinjavanju farmaceutskog otpada, uključujući njegovo evidentiranje putem informacionog sistema razvijenog

u okviru Fonda za zaštitu okoliša Federacije BiH.

Izrada i primjena standardnih operativnih procedura od ključne je važnosti za osiguranje dosljednosti, kvaliteta i sigurnosti u svim fazama procesa — od nabavke i distribucije vakcina do upravljanja otpadom koji nastaje u zdravstvenim ustanovama. Time se jača institucionalna odgovornost, smanjuje mogućnost grešaka i doprinosi ukupnom unaprjeđenju javnozdravstvenog sistema.





## Sastanak radne grupe za unaprjeđenje kvaliteta programa imunizacije kroz akreditaciju standardnih operativnih procedura i sistemsku edukaciju zdravstvenih radnika

Sarajevo, 20.10.2025. godine

Zavod za javno zdravstvo Federacije BiH organizovao je prvi sastanak Radne grupe za unaprjeđenje kvaliteta programa imunizacije kroz akreditaciju standardnih operativnih procedura i sistemsku edukaciju zdravstvenih radnika.

Tokom sastanka distribuiran je radni materijal, a govorilo se o ključnim ciljevima koji se odnose na pripremu dokumentacije i tehničku podršku za formalnu akreditaciju standardnih

operativnih procedura (SOP) i razvoj kurikula i pripremu edukativnog materijala za kontinuiranu edukaciju zdravstvenih profesionalaca iz oblasti imunizacije.

Poseban naglasak stavljen je na važnost akreditacije SOP-ova kod Agencije za kvalitet i akreditaciju u zdravstvu (AKAZ), kao i na razvoj i implementaciju programa kontinuirane edukacije zdravstvenih profesionalaca u oblasti imunizacije.



## Zavod za javno zdravstvo Federacije BiH u REMESOS projektu

Brisel, 23.-24.10.2025. godine

Direktor Zavoda za javno zdravstvo Federacije BiH doc. dr. sc. prim. Siniša Skocibušić, dr. med. i voditeljica Službe za biostatistiku i informatiku Zavoda za javno zdravstvo Federacije BiH doc. dr. sc. Šeila Cilović-Lagarija, dr. stom.- prisustvovali su Kick-off sastanku REMESOS projekta, koji se realizuje u okviru poziva EU4Health.

Projekat REMESOS (Resilient and Mentally Healthy Societies – Otpornija i mentalno zdravija društva) ima za cilj osnaživanje zajednica, jačanje otpornosti i unaprjeđenje mentalnog zdravlja stanovništva kroz razvoj i primjenu

funkcionalnih modela podrške u zajednici, zasnovanih na dokazima i najboljim evropskim praksama.

Ovaj projekat predstavlja važan iskorak u unaprjeđenju metodologije prikupljanja i analize podataka o mentalnom zdravlju te doprinosi usklađivanju s najboljim međunarodnim praksama i pristupima koje su razvili partneri iz Finske i drugih evropskih zemalja. Cilj projekta je poboljšanje prikaza podataka, promocija otpornosti zajednice i razmjena iskustava i primjera dobre prakse u okviru GFP modela.



**Svjetski dan borbe protiv dječje paralize**

**24.10.2025.**

**Polio Vaccine Injection only**  
10 ml

 ZAVOD ZA JAVNO ZDRAVSTVO FB&H  
INSTITUTE FOR PUBLIC HEALTH FB&H




## Predavanje o prevenciji, ranom prepoznavanju simptoma, dijagnostici te liječenju i rehabilitaciji nakon moždanog udara

Sarajevo, 24.10.2025. godine

U povodu Svjetskog dana moždanog udara, u Centru za zdravo starenje Čengić Vila u Sarajevu održano je predavanje „Tihi neprijatelj mozga – kako spriječiti moždani udar?“ koje je, kao predstavnica Zavoda za javno zdravstvo Federacije BiH, održala dr. Elvedina Žiga.

Svrha predavanja bila je skretanje pažnje

na važnost prevencije, ranog prepoznavanja simptoma, odnosno dijagnostike te liječenja i rehabilitacije nakon moždanog udara, sa naglaskom na unaprjeđenje pravilnih životnih navika tj. životnog stila, što je ujedno i najznačajniji korak u prevenciji ovog globalno značajnog javnozdravstvenog problema.





## Održana konferencija „Od ordinacije do zajednice: Primarna zdravstvena zaštita između izazova i rješenja”

Sarajevo, 4.-6.11.2025. godine

Federalno ministarstvo zdravstva, u saradnji sa Zavodom za javno zdravstvo Federacije BiH, uz finansijsku pomoć Evropske unije, Svjetske banke i Vlade Švicarske organizovali su konferenciju „Od ordinacije do zajednice: Primarna zdravstvena zaštita između izazova i rješenja” koja je okupila više od 200 predstavnika ministarstava zdravstva, zdravstvenih ustanova i zdravstvenih profesionalaca koji razmjenjuju iskustva, identifikuju izazove i kreiraju konkretna rješenja za jačanje i unaprjeđenje primarne zdravstvene zaštite u Fe-

deraciji BiH, kako bi ona postala efikasnija i dostupnija svim građanima.

Federalne i kantonalne vlasti, zdravstveni radnici i međunarodni partneri razgovarali su na konferenciji o praktičnim koracima za provođenje reformi koje zdravstvenu zaštitu približavaju pacijentima i zajednicama. Učesnici su se fokusirali na prevenciju i bolju integraciju usluga, kako bi zdravstvena zaštita u Federaciji BiH bila odgovornija, efikasnija i usmjerena na pacijenta.





## Usluge za zdraviju budućnost: Prevencija i promocija u praksi

Sarajevo, 4.-6.11.2025. godine

U okviru konferencije „Od ordinacije do zajednice: Primarna zdravstvena zaštita između izazova i rješenja” održana je panel diskusija “Usluge za zdraviju budućnost: prevencija i promocija u praksi” na kojoj je učestvovala prof. dr. sc. prim. Aida Ramić Čatak, dr. med. pomoćnica direktora za medicinske poslove i voditeljica Sektora javnog zdravstva Zavoda za javno zdravstvo Federacije BiH.

Govorila je o prevenciji u radu zdravstvenih radnika kao direktnom i najefikasnijem

doprinosu unaprjeđenju zdravlja stanovništva i organizaciji zdravstvene zaštite.

Podsjetila je da Zavod vrši istraživanja i procjene kapaciteta rada zdravstvenih ustanova i resursa na različitim nivoima zdravstvene zaštite te da provodi niz zdravstvenih preventivnih programa, javnozdravstvene kampanje usmjerene na prevenciju bolesti, promociju zdravih stilova života i ranu detekciju faktora rizika za zdravlje.



## Donošenje odluka u zdravstvu zasnovano na analizi podataka, ne samo na pretpostavkama

Sarajevo, 4.-6.11.2025. godine

Direktor Zavoda za javno zdravstvo Federacije BiH doc. dr. sc. prim. Siniša Skočibušić, dr. med. održao je predavanje na temu “Zdravstvo vođeno podacima”, u sklopu konferencije „Od ordinacije do zajednice: Primarna zdravstvena zaštita između izazova i rješenja”.

Tom prilikom govorio je o zdravstvenim podacima koji se prikupljaju kako bi se pratilo stanje zdravlja stanovništva, planirale mjere i politike u zdravstvenom sektoru te unaprijedio kvalitet zdravstvene zaštite.

Istakao je da podaci služe i kao temelj za naučna istraživanja, međunarodno izvještavanje i informisanje javnosti te da se na taj način omogućava efikasnije upravljanje resursima i kontinuirano poboljšanje zdravstvenog



systema. Korištenjem zdravstvenih podataka prate se trendovi u obolijevanju, smrtnosti, imunizaciji i drugim indikatorima, što

omogućava pravovremenu reakciju na epidemije i druge prijetnje javnom zdravlju.

## Imunizacija protiv gripe uposlenika tijela/agencija UN-a u Bosni i Hercegovini

Sarajevo, 7.11.2025. godine

Zavod za javno zdravstvo Federacije BiH, u saradnji sa Kancelarijom Svjetske zdravstvene organizacije u BiH, organizovao je imunizaciju protiv gripe za uposlenike tijela/agenci-

ja UN-a u BiH, kao doprinos zaštiti njihovog zdravlja, zdravlja njihovih porodice i nastavak uspješne saradnje Zavoda sa međunarodnim partnerima.



## Edukativna radionica za implementaciju novog kruga Globalnog istraživanja pušenja kod školske djece i mladih (GYTS) u Federaciji BiH 2025.

Sarajevo, 10.11.2025. godine

U prostorijama Zavoda za javno zdravstvo Federacije BiH održana je edukativna radionica kao početak novog kruga Globalnog istraživanja pušenja kod školske djece i mladih (GYTS), koju Zavod za javno zdravstvo Federacije BH planira implementirati do kraja 2025. godine.

Koordinatorica GYTS istraživanja za

Federaciju BiH prof. dr. sc. prim. Aida Ramić-Čatak, dr. med.- pomoćnica direktora za medicinske poslove i voditeljica sektora za javno zdravstvo, predstavila je Radnoj grupi za prikupljanje podataka plan rada na terenu te ih upoznala sa narednim koracima u implementaciji projekta.





## Zavod za javno zdravstvo Federacije BiH predstavio Vodič za zdravu ishranu odraslih

Sarajevo, novembar 2025. godine

Zavod za javno zdravstvo Federacije BiH, uz podršku Kancelarije Svjetske zdravstvene organizacije u Bosni i Hercegovini, producirao je i predstavio Vodič za zdravu ishranu odraslih.

Vodič sadrži smjernice za zdravu ishranu koja je osnov za očuvanje vitalnosti i

dugoročnog zdravlja organizma. Smjernice će pomoći u razumijevanju uravnotežene ishrane, značaja promjene loših prehrambenih navika, pravilnog izbora namirnica i uživanja u zdravoj hrani, a sve s ciljem očuvanja, zaštite i unaprjeđenja vlastitog zdravlja.



## Predstavnici Zavoda za javno zdravstvo FBiH na Europskoj javnozdravstvenoj konferenciji


Helsinki, 12.-15.11.2025. godine

Fond Evropske konferencije o javnom zdravstvu (EPH) i Evropsko udruženje za javno zdravstvo (EUPHA) bili su domaćini 18. Evropske konferencije o javnom zdravstvu.

Ovogodišnja konferencija, s temom "Ulaganje za održivo zdravlje i dobrobit", okupila je više hiljada stručnjaka, istraživača, donositelja odluka, zdravstvenih radnika i saradnika iz područja javnog zdravstva s ciljem razmjene

iskustava, umrežavanja i prezentacije najnovijih naučnih dostignuća.

Zavod za javno zdravstvo Federacije BiH na Konferenciji su predstavljali doc. dr. sc. prim. Siniša Skočibušić, dr. med- direktor, doc. dr. Šeila Cilović Lagarija, dr. stom- voditeljica Službe za biostatistiku i informatiku te prim. dr. sc. Aida Vilić Švraka, dr. med. i Elvedina Žiga, dr. med. iz Službe za promociju zdravlja.





## Doc. dr. sc. prim. Siniša Skočibušić počeo novi četverogodišnji mandat ravnatelja Zavoda za javno zdravstvo Federacije BiH

Mostar/Sarajevo, 17.11.2025. godine

Direktor Zavoda za javno zdravstvo Federacije BiH doc. dr. sc. prim Siniša Skočibušić, dr. med. započeo je novi četverogodišnji mandat. Na početku novog mandata istakao je da je Zavod kroz prethodne godine učvrstio svoju poziciju u sistemu javnog zdravstva, unaprijedio laboratorijske, epidemiološke i edukacijske kapacitete te pokazao da može biti važan i pouzdan partner zdravstvenom sistemu i društvu u cjelini.

Naveo je da ulaskom u novi mandat s jasnim planom rada za period 2025. – 2029. koji obuhvata modernizaciju, digitalizaciju, jačanje preventivnih programa i dodatno osnaživanje stručnih kapaciteta, nastavlja sa aktivnostima Zavoda kao ustanove znanja, pouzdanosti, stručnosti i javne odgovornosti, uz uvođenje inovativnih projekata usmjerenih na jačanje sistema javnog zdravstva, modernizaciju Zavoda te daljnje usklađivanje sa standardima



Evropske unije.

PLAN I PROGRAM RADA Zavoda za javno zdravstvo Federacije BiH 2025. – 2029:  
<https://www.zzjzfbih.ba/wp-content/uploads/2025/11/Plan-i-program-rada-2025-2029.pdf>

## Predstavnica Zavoda za javno zdravstvo Federacije BiH na sastanku Mreže za zdravstvene informacije

Valletta, 18.-19.11.2025. godine

Sastanak Evropske mreže za zdravstvene informacije (Health Information Network – HIN) i platforme “AI in Health & Care in Europe” posvećen unaprjeđenju digitalnih rješenja, integraciji umjetne inteligencije u zdravstvene procese te jačanju kvaliteta i dostupnosti zdravstvenih podataka, održan je na Malti. Zavod za javno zdravstvo Federacije BiH na ovom sastanku predstavljala je doc. dr. Šeila Cilović Lagarija, dr. stom.- voditeljica Službe za biostatistiku i informatiku.

Tokom sastanka prezentovani su rezultati rada Radne grupe za digitalizaciju i inovacije,



kojom u okviru HIN mreže rukovodi i predsjedava doc. dr. Šeila Cilović Lagarija.

Kao aktivna član HIN mreže, Zavod za javno zdravstvo Federacije BiH doprinosi radu tematskih grupa u oblastima digitalizacije, interoperabilnosti i data goveranaca. Rad HIN mreže dodatno se usklađuje sa strateškom inicijativom WHO/EURO – Strategic Partners’ Initiative on Data and Digital Health (SPIDDH), čime se osigurava jedinstven i održiv pristup digitalnim zdravstvenim podacima i inovacijama u Evropskoj regiji.



## Završna, evaluaciona radionica Programa “Zdravo jedi, zdravo rasti”

Sarajevo, 20.11.2025. godine

U sklopu aktivnosti koje se realizuju u okviru sedme faze Programa “Zdravo jedi, zdravo rasti”, a odnose se na akreditacioni proces za sticanje naslova vrtić/škola prijatelj zdrave ishrane, provode se završne, evaluacione radionice.

Prva evaluaciona radionica za odgojno-obrazovne ustanove Kantona Sarajevo održana je na Svjetski dan djece, u prostorijama Zavoda za javno zdravstvo Federacije BiH.

Radionice predstavljaju finalnu fazu akreditacionog procesa u kojoj stručni tim Zavoda za javno zdravstvo Federacije BiH provodi evaluaciju ispunjenosti kriterija za sticanje naslova „Odgojno-obrazovna ustanova – prijatelj zdrave ishrane“ u 38 odgojno obrazovnih ustanova kandidovanih od kantonalnih



ministarstava obrazovanja, učesnika u akreditacionom procesu.



## Dani kvaliteta u zdravstvu u Federaciji BiH

Sarajevo, 19.-21.11.2025. godine

U okviru manifestacije “Dani kvaliteta u zdravstvu u FBiH 2025”, koju je povodom 20 godina rada i osnivanja organizovala Agencija za kvalitet i akreditaciju u zdravstvu Federacije BiH, direktor Zavoda za javno zdravstvo Federacije BiH doc. dr. sc. prim. Siniša Skočibušić, dr. med. moderirao je panel diskusiju “Antimikrobna rezistencija – perspektive i izazovi”, a dr. sc. Maja Ostojić, dr. med.- voditeljica Odjela za humanu mikrobiologiju Zavoda za javno zdravstvo Federacije BiH održala je prezentaciju “Potencijalna uloga vakcina u borbi protiv antimikrobne rezistencije”.

AMR zahtijeva i multidisciplinarni pristup



i međusektorsku saradnju. Kako bi efikasno smanjili antimikrobnu rezistenciju, svi sektori moraju razumno koristiti antimikrobna sredstva, preduzeti preventivne mjere za smanjenje učestalosti infekcija i slijediti dobre prakse u zbrinjavanju otpada kontaminiranog antimikrobnim sredstvima. Glavna odgovornost kreće od nas samih, a onda i od zajednice na svim nivoima, koja daje smjernice o racionalnom i ispravnom korištenju antimikrobnih lijekova. Važan faktor je i kontinuirana edukacija te stručno i naučno utemeljeno djelovanje zdravstvenih radnika, rečeno je tokom diskusije.



## Učešće predstavnika Zavoda za javno zdravstvo Federacije BiH na 6. Globalnom sastanku NITAG mreže

Marakeš, 25.-27.11.2025. godine

Šesti Globalni sastanak Mreže nacionalnih tehničkih savjetodavnih grupa za imunizaciju (NITAG), na kojem je učestvovao prof. dr. sc. prim. Sanjin Musa, dr. med. okupio je predstavnike iz svih WHO regija. Sastanak je bio prilika za raspravu o temama koje će oblikovati buduće globalne politike vakcinacije.

Na sastanku su istaknuti različiti regionalni pristupi jačanju kapaciteta NITAG-a, kao i primjeri zemalja koji ilustriraju optimizaciju i prioritizaciju uvođenja novih vakcina. Raspravljalo se o budućnosti imunizacijskih politika i praksi, uključujući ulogu NITAG-a u definisanju nacionalnih prioriteta te prilagođavanju rasporeda vakcinacije.



Posebnu su pažnju privukle inicijative „twinninga“ među NITAG-ovima i modeli prekogranične saradnje, kao i sve veća važnost modeliranja zaraznih bolesti u donošenju preporuka. Sastanak je zaključen definisanjem radnog plana i ključnih prioritarnih aktivnosti Globalne NITAG mreže za naredni period.

## Održana radionica Mreže za oralno zdravlje djece Jugoistočne Evrope

Bukurešt, 26.-27.11.2025. godine

Svjetska zdravstvena organizacija (SZO Evrope) u saradnji sa Univerzitetom u Glasgowu i Ministarstvom zdravstva Rumunije, organizovala je radionicu Mreže za oralno zdravlje djece u Jugoistočnoj Evropi, na kojoj je Zavod za javno zdravstvo Federacije BiH predstavila doc. dr. Šeila Cilović-Lagarija, dr. stom.- voditeljica Službe za biostatistiku i informatiku.



Radionica, održana uz podršku Borrow Foundation, koja je okupila stručnjake, donosioce odluka i predstavnike iz 13 zemalja Jugoistočne Evrope, kao i učesnike iz Kavkaza i centralne Azije, predstavlja važnu prekretnicu

u jačanju aktivnosti usmjerenih na unaprjeđenje oralnog zdravlja djece u skladu s Globalnom strategijom i Akcionim planom za oralno zdravlje 2023–2030.

.....



.....

## Obilježen Svjetski dan borbe protiv HIV/AIDS-a

Mostar, 1.12.2025. godine

Zavod za javno zdravstvo Federacije BiH, u saradnji sa Sveučilišnom kliničkom bolnicom Mostar, Asocijacijom infektologa u Bosni i Hercegovini i Udruženjem “Partnerstvo za zdravlje” obilježio je Svjetski dan borbe protiv HIV/AIDS-a uz slogan “Znanje štiti”, različitim aktivnostima u Mostaru.

Cilj je podizanje svijesti i informisanosti o infekciji HIV-om, prevenciji i dostupnosti liječenja antiretrovirusnim lijekovima u Federaciji BiH, čime se jača i kultura odgovornosti prema vlastitom zdravlju i zdravlju drugih te smanjuje strah, nerazumijevanje, stigma i



diskriminacija osoba koje žive s HIV-om.

U sklopu obilježavanja Svjetskog dana borbe protiv HIV/AIDS-a 2025. svi građani su imali priliku za dobrovoljno, povjerljivo, anonimno



i besplatno testiranje na HIV, hepatitis B i C u Trgovačko-poslovnom centru Mepas Mall u Mostaru i u Klinici za infektivne bolesti Sveučilišne kliničke bolnice Mostar.



## Predstavnice Zavoda za javno zdravstvo Federacije BiH gošće Udruženja “Vedri osmijeh”

Mostar, 3.12.2025. godine

Na poziv udruge “Vedri osmijeh”, predstavnice Zavoda za javno zdravstvo FBiH prisustvovala su obilježavanju Međunarodnog dana osoba s invaliditetom, koje je u Mostaru organizovano promocijom inkluzivne kuharice. Tom prilikom, osim predstavljanja kuharice, organizovano je i druženje sa osobama s invaliditetom te je skrenuta pažnja na dugogodišnje izazove s kojima se suočavaju u pogledu obrazovanja i zapošljavanja.



Kuharicu, pod nazivom “Prehrambene navike kao prevencija zdravstvenih komplikacija kod osoba s invaliditetom”, izradili su članovi Udruženja uz finansijsku podršku Ministarstva zdravstva, rada i socijalne skrbi HNŽ. Publikacija sadrži i praktične savjete za osobe s invaliditetom i njihove porodice, s ciljem promovisanja zdravih prehrambenih navika koje mogu doprinijeti poboljšanju kvaliteta života.





## Zavod za javno zdravstvo Federacije BiH nastavlja mjerenja kvaliteta zraka zatvorenog prostora u vrtićima u Federaciji BiH

Federacija BiH, decembar 2025. godine

Zavod za javno zdravstvo Federacije BiH provodi drugu fazu Projekta „Mjerenje kvaliteta zraka zatvorenog prostora u vrtićima u Federaciji BiH“.

Kvalitet zraka zatvorenog prostora mjeri se u odabranim vrtićima Zeničko-dobojskog, Tuzlanskog i Posavskog kantona. Prva faza Projekta realizovana je 2023. godine i obuhvatila je odabrane vrtiće u Kantonu Sarajevo, Tuzlanskom i Zapadnohercegovačkom kantonu.

Osim mjerenja kvaliteta zraka u prostorijama

vrtića, projektne aktivnosti uključuju i edukaciju odgojno – obrazovnog osoblja o mjerama unaprjeđenja i očuvanja kvaliteta zraka u prostorijama u kojima borave djeca.

Cilj Projekta je ocjena kvaliteta zraka zatvorenog prostora u vrtićima, donošenje i provođenje relevantnih preporuka kao i podizanje nivoa znanja odgojno – obrazovnog osoblja, roditelja i djece, kao i šire vrtićke zajednice o značaju čistog zraka zatvorenog prostora za zdravlje.





## Predstavnici Zavoda za javno zdravstvo Federacije BiH na radionici o rješavanju izazova s kojima se suočavaju laboratorije u BiH

Kupres, 10.-11.12.2025. godine

Predstavnici 18 laboratorija koje se bave ispitivanjem mikrobioloških i hemijskih parametara u hrani te izvještavanjem Agencije za sigurnost hrane BiH i Evropske agencije za sigurnost hrane (EFSA) o rezultatima laboratorijskih analiza razmatrali su na radionici laboratorijske kapacitete, prakse i mogućnosti rješavanja izazova s kojima se u svakodnevnom radu suočavaju laboratorije u BiH.

Na radionici „Laboratorijski kapaciteti, prakse i mogućnost rješavanja izazova sa kojima se u svakodnevnom radu suočavaju laboratorije u Bosni i Hercegovini“ učestvovali su predstavnici Zavoda za javno zdravstvo Federacije BiH doc. dr. Amir Čaušević, Nino Brajković, dipl. ing. preh. tehn.- specijalista tehnološke mikrobiologije i Branimir Drinovac, mag. preh. ing.



Međunarodni dan  
univerzalne zdravstvene  
pokrivenosti

12.12.2025.



## Održane edukativne radionice o HPV imunizaciji u Međugorju, Livnu i Travniku

Federacija BiH, decembar 2025. godine

Zavod za javno zdravstvo Federacije BiH završio je seriju edukativnih radionica "HPV imunizacija: znanje, povjerenje, prevencija" čiji je cilj jačanje stručnih znanja, kompetencija i povjerenja zdravstvenih radnika u vezi s imunizacijom protiv humanog papiloma virusa (HPV), uz prikaz aktuelnih rezultata programa imu-

nizacije, kao i primjera efikasne komunikacije sa roditeljima i pacijentima. Radionice su namijenjene zdravstvenim radnicima iz različitih oblasti javnog zdravstva, primarne zdravstvene zaštite i kliničke prakse Unsko-sanskog, Srednjobosanskog, Hercegovačko-neretvanskog, Zapadnohercegovačkog kantona i Kantona 10.



## Doc. dr. sc. prim. Siniša Skočibušić, dr. med. i Rozalija Nedić, dr. med. na prvom sastanku SHIELD projekta

Kopenhagen, 15.-16.12.2025. godine

Prvi sastanak projekta "Strategies for Health Interventions to Eliminate Infection related Cancer (SHIELD)", koji se provodi u okviru programa EU4Health održan u prostorijama Rigshospitalet-a, uz učešće predstavnika javnozdravstvenih institucija, ministarstava zdravstva, evropskih agencija i projektnih partnera iz više zemalja.

Na sastanku su predstavljeni ciljevi i planirane aktivnosti projekta, kao i struktura radnih paketa usmjerenih na prevenciju infekcija povezanih s razvojem karcinoma. Poseban naglasak stavljen je na evaluaciju nacionalnih biomedicinskih preventivnih programa, uključujući integrisano testiranje i vakcinaciju, kao i na provođenje mjera usmjerenih na smanjenje stigme i diskriminacije povezane sa





HIV-om, virusnim hepatitisima, tuberkulozom i spolno prenosivim infekcijama.

Na sastanku su učestvovali doc. dr. sc. prim. Siniša Skočibušić, dr. med.- direktor Zavoda za

javno zdravstvo Federacije BiH i Rozalija Nedić, dr. med.- specijalista epidemiolog iz Službe za epidemiologiju zaraznih bolesti zavoda za javno zdravstvo Federacije BiH.

## Završna radionica Projekta „Zdravo jedi-zdravo rasti“

Mostar, 18.12.2025. godine

Zavod za javno zdravstvo Federacije BiH organizovao je završnu radionicu o implementaciji Programa “Zdravo jedi, zdravo rasti” – sedma faza, na kojoj je učestvovalo više od 140 stručnjaka iz područja javnog zdravstva, ranog rasta i razvoja i obrazovanja, odgojno-obrazovnog osoblja, donosioca odluka, predstavnika lokalnih zajednica i međunarodnih partnera.

Rezultate sedme faze programa “Zdravo jedi, zdravo rasti” u Federaciji BiH predstavila je stručna koordinatorica Programa prim. dr.

sc. Aida Filipović Hadžiomeragić, dr. med.

Na završnoj radionici održan je i panel “Važnost uspostavljanja sistema održivog programa zdrave prehrane u vrtićima u Federaciji BiH” tokom kojeg je ponuđen niz korisnih informacija, uz poziv na akciju. Panelisti su naglasili da je uloga roditelja i odgojno-obrazovnih ustanova u pravilnoj ishrani kao jednom od ključnih preduslova za pravilan rast i razvoj te prevenciju niza oboljenja u djetinjstvu i odrasloj dobi izuzetno važna.



## Održana završna radionica „Mjerenje kvaliteta zraka zatvorenog prostora u vrtićima u Federaciji BiH“

Mostar, 19.12.2025. godine

Povodom realizacije druge faze Projekta „Mjerenje kvaliteta zraka zatvorenog prostora u vrtićima u Federaciji BiH“ Zavod za javno zdravstvo Federacije BiH organizovao je završnu radionicu na kojoj su se okupili predstavnici relevantnih institucija i stručnjaci kako bi se dodatno umrežili s ciljem jačanja kapaciteta i daljnijeg unaprjeđenja kvaliteta zraka u odgojno-obrazovnim ustanovama u Federaciji BiH.

Cilj Projekta je ocjena kvaliteta zraka zatvorenog prostora u vrtićima, donošenje i

provođenje relevantnih preporuka kao i podizanje nivoa znanja odgojno – obrazovnog osoblja, roditelja i djece, kao i šire vrtićke zajednice o značaju čistog zraka zatvorenog prostora za zdravlje.

O rezultatima mjerenja prve faze Projekta, kao i o preporukama, na radionici u Mostaru izvijestila je prim. dr. sc. Aida Vilić Švraka, dr. med. iz Odjela za higijenu i zdravstvenu ekologiju Zavoda za javno zdravstvo Federacije BiH.



## Kontinuirana edukacija u službi jačanja zdravstvenog sistema u Federaciji BiH

Mostar/Sarajevo, 2025. godine

Služba za edukacije i istraživanja Zavoda za javno zdravstvo Federacije BiH kontinuirano provodi edukacijske programe koji sistemski doprinose jačanju kompetencija stručnjaka u zdravstvu.

Jedan od najznačajnijih programa jest kontinuirana profesionalna edukacija iz zdravstvenog menadžmenta koju Zavod, kao nosilac programa, realizuje u saradnji s partnerskim institucijama: Ekonomskim fakultetima u Sarajevu, Mostaru i Tuzli te Medicinskim fakultetima u Mostaru i Sarajevu. U 2025. godini organizovani su proljetni i jesenski ciklus edukacije za sva tri nivoa programa, koje je uspješno završilo ukupno 216 polaznika zdravstvenog menadžmenta i to 87 na osnovnom (SHCE 1), 90 na srednjem (SHCE 2) te 39 na naprednom nivou (SHCE 3).

Od posebnog značaja je i edukacija iz područja ranog rasta i razvoja djece, s ciljem unaprjeđenja znanja i vještina zdravstvenih radnika, saradnika i stručnjaka iz srodnih oblasti. Tokom 2025. godine održane su tri edukacije osnovnog nivoa prema Programu za ranu detekciju i praćenje razvoja djece od rođenja do polaska u školu, koje je uspješno završio 21 polaznik.

Služba koordinira i edukacije iz pojedinih specijalističkih oblasti, u skladu s Planom i



programom specijalizacija za doktore medicine, doktore stomatologije i magistre farmacije. U 2025. godini održano je 11 edukacija iz Osnovne teorijske nastave, koju je završilo 270 specijalizanata, edukacija iz područja Javnog zdravstva koju je završilo 20 specijalizanata porodične medicine te edukacija iz Organizacije i upravljanja zdravstvenim sistemom u području mentalnog zdravlja, koju je završilo 11 specijalizanata psihijatrije. Također je održano šest edukacija za magistre farmacije na pripravničkom stažu, sa ukupno 40 polaznika.

Služba organizuje i edukacije iz higijenskog minimuma za osoblje zaposleno u proizvodnji i prometu namirnica, radi unaprjeđenja zdravstvene sigurnosti hrane, vode i predmeta opšte upotrebe te smanjenja rizika po zdravlje stanovništva. Tokom 2025. godine edukaciju su uspješno završila 22 polaznika.

**Glavni i odgovorni urednik**  
doc. dr. sc. prim. Siniša Skočibušić, dr. med.

**Zamjenica glavnog i odgovornog urednika**  
Elvedina Žiga, dr. med.

**Lektorisala**  
Maja Kojović

**Dizajn**  
FRAM-ZIRAL d.o.o., Mostar

**Izdavač**  
Zavod za javno zdravstvo  
Federacije Bosne i Hercegovine

**ISSN**  
2831-1604

**Mjesto i godina izdavanja**  
Sarajevo/Mostar, 2025.

## **ZAVOD ZA JAVNO ZDRAVSTVO FEDERACIJE BOSNE I HERCEGOVINE**

### **Organizacijska jedinica u Mostaru**

📍 Vukovarska 46  
☎ +387 36 382 101  
✉ kabinet.mo@zzjfbih.ba

### **Organizacijska jedinica u Sarajevu**

📍 Maršala Tita 9  
☎ +387 33 564 601  
✉ kabinet.sa@zzjfbih.ba

